



UDRUŽENJE GRAĐANA ZA POVRAT STARE  
DEVIZNE ŠTEDNJE U BiH i DIJASPORI

RAIFFEISEN BANKA  
ž.r. 1610450036820073  
e-mail: [nnisic@spinter.net](mailto:nnisic@spinter.net)  
[www.starastednjabh.org](http://www.starastednjabh.org)

Sjedište: Banja Luka 78000  
I. G. Kovačića 139b  
tel. 051/380-738  
fax. 051/381-374

---

UPRAVNI ODBOR

Broj: 1600/11

Banja Luka, 01.04.2011.

- 1) Generalnom Sekretaru Savjeta Evrope, gospodin Thorbjørn Jagland,
- 2) Parlamentarnoj Skupštini Savjeta Evrope preko Sekretarijata,
- 3) Evropskoj Komisiji, generalnom direktoru za proširenje, gospodin Stefan Filer,
- 4) Predsjedniku Evropskog Suda za ljudska prava u Strazburu, gospodina Jan Paul Costa.

Poštovani, članovi Parlamenta i Savjeta Evrope, poštovani članovi Komesarijata Evropske Unije i poštovani gospodine genaralni sekretare Evropske Unije,

Obzirom da smo iscrpili i uzaludno tražili pravo kod svih nadležnih institucija i sudova u Bosni i Hercegovini, kao i Evropskom sudu za ljudska prava, nismo uspjeli ostvariti naša prava koja su nam oduzeta.

Radi se o prisvajanju naših sredstava (novac u devizama) kojeg smo povjerali bankama država Bosne i Hercegovine, Srbije i Slovenije koje su bile sastavni dio bivše SFR Jugoslavije.

Ischrpili smo se, materijalno, fizički i psihički tražeći svoj opljačkani novac od tuženih strana i sve je bilo uzalud.

Kad smo došli do zaključka i uvjerali se da u Bosni i Hercegovini, i da u ovoj nedovršenoj državi ne postoji vladavina prava, i da ovu državu vode ratni i poratni tajkuni i profiteri, Udruženje građana za povrat stare devizne štednje BiH i Dijaspore, na svojoj Skupštini je odlučilo da svoja oduzeta prava potraži na Evropskom sudu za ljudska prava u Strasborgu.

Nažalost, našu predstavku od 25. oktobra 2010. registrovanu pod rednim brojem 2374/11, Europski sudija pojedinac ( P. Hirvelä ), 22. februara 2011. godine proglašava neprihvatljivom.

Spomenuta odluka, ovog pojedinca sudije, nas šteti stare devizne štednje je šokirala.

Upravni odbor Udruženja građana za povrat stare devizne štednje BiH i Dijaspore, na sastanku održanom 19.03.2011. godine u Banjoj Luci, razmotrio je ovu odluku spomenutog sudije pojedinca, koji je u ime velikog Vijeća Evropskog suda za ljudska prava, donio odluku koja je jednoglasno odbačena kao pravno neutemeljena, neobrađena, neobrazložena i u nekim segmentima prijeteća.

Odbor je kao takvu okvalifikovao kao nezakonitu, i u pravnom smislu nedorečenu. Odluku sa ovakvim obrazloženjem smatramo izlobiranom i iznuđenom sa političkom pozadinom i konotacijama sa vlastima BiH.

Za Sudiju, ponavljamo i naglašavamo: „Sud je utvrdio da ništa ne ukazuje na povredu Konvencije ili Protokola uz Konvenciju“.

Ovaj Sudija i Evropski sud za ljudska prava, Sud, ako stoji iza ove, za nas skandalozne odluke, je zanemario temeljne pravne teorije i svrsishodnost prava.

Sud je, samo on zna zašto, izbjegao zaštititi ljudska prava koja se smatraju temeljnim, nedjeljivim, i neotuđivim pravom pojedinca koja mu po prirodi pripadaju i kao takva osiguravaju sigurnost i slobodan opstanak kao ličnost nezavisno od bilo kojeg zakonskog prava i političkog pokreta.

Neka, između ostalih ljudskih prava, koje je Evropski sud za ljudska prava svjesno osporio u našem slučaju i svjesno negirao a to su prava na vlasništvo, nepovredivost ličnosti, slobodu savjesti zbora i dogovora. Ta prirodna prava se smatraju glavnim izvorom onih izvedenih prava i sloboda što ih Ustav predviđa kao temeljna građanska i kodificira pozitivno zakonodavstvo.

Podsjećamo Vas na Opštu deklaraciju prava čovjeka (Universal Declaration of Human Rights) usvojena u Generalnoj skupštini Ujedinjenih naroda 1948. godine.

Za Evropski sud za ljudska prava nije kršenje ljudskih prava ako država Bosna i Hercegovina svojim građanima uzrupira 2.000.000.000 Eura, njihove teško zaradene imovine kojom se sada bogate bosansko-hercegovački tajkuni.

Za isti Sud, nije kršenje ljudskih prava činjenica da je Sudu stiglo 21.000 Tužbi protiv države koja je prevarila svoje građane.

Ako se tome doda, da državne institucije BiH u nedostatku slobode javne misli i govora, i da je strogo zabranjen pristup pisanim i elektronskim medijima za većinu građana koja nije podobna za državni režim BiH, onda ovih 21.000 prevarenih građana je izgubila povjerenje kako u domaće tako i u Evropsko pravosuđe i demokratiju. Vlada BiH i njenih pratećih dvanaest

Vlada uz prisustvo OHR-a i masu drugih formalnih i neformalnih institucija uz Vladine i Nevladine organizacije, rade po principu „što gore to bolje“ samo da bi se što duže produžili stanje bezzakonja i anarhije jer je to najefikasniji način da niko nikome ne odgovara za trošenje novaca od prirodnih resursa, međunarodnih donacija i naše uštedevine.

Boli nas neumitna stvarnost, što je sudstvo, kako domaće u BiH, tako i u Europi kao u Jedinjenim nacijama slijepo oruđe globalne politike i što su u službi svjetskih vlastodržaca i vlasnika kapitala. Nismo sigurni da je sudija (P.Hirvelä) koji je odlučio proglasiti neprihvatljivom našu prestavku sa tvrdnjom „da ništa ne ukazuje na povredu Konvencije“. Čak ukazuje da nemamo mogućnost žalbe kako Sudu tako ni drugim tijelima. Pa samo to osporavanje žalbe Sudu i drugim tijelima je ugrožavanje ljudskih prava.

Nije taj sudija naivan, ali je sigurni smo, centrima moći ohrabren, i zato nije oklijevao da učini nasilje nad pravom i pravdom. Znamo mi, pa bar nekolicina, od 21.000 obespravljenih šta je Konvencija i šta je njena povreda. Povrijedio ju je Sud koji je dužan da je štiti, nju i njene principe. Koji su to sastanci i dogovori, sporazumi kojima se prihvataju pojmovi i principi koji čine Konvenciju a da nisu učinili povredu Konvencije otuđivanjem vlasništva 2.000.000.000 Eura, čijom prevarom je materijalno, moralno uništena prošlost i budućnost za 21.000 građana.

Dame i Gospodo, Odluka Evropskog suda za ljudska prava, je po nama, kršenje ljudskih prava.

To je početak kraja Evropskog pravosuđa i NEMOKRATIJE obespravljenosti 21.000 građana i osporavanje određenog novčanog iznosa, čije je vlasništvo neupitno ali nažalost sudskim putem obespravljeno, Evropski sud za ljudska prava kao takav, ne služi svojoj svrsi niti pravdi. Poštovani, da li bi Vaša država dozvolila da obmane svoje građane, da im uzme novac i da Evropski sud za ljudska prava od toga odustane?

Poštovane dame i gospodo,  
predlažemo da donesete zaključak vezano za naš ljudski, građanski i državni problem, koji bi sadržao potrebu i odluku da se obrazuje ekspertska Evropska Komisija članova Tužene strane i eksperata EU pravne i ekonomske struke, čiji zadatak bi bio na koji način vratiti uzurpiranu imovinu građana stare devizne štednje uključujući Predsjednika i predstavnike ovog Udruženja.

Nije u pitanju samo problem rješavanja našeg problema, naravno to je jedini naš zahtjev, ali naš prijedlog rješavanja našeg zahtjeva, unaprijedio bi odnose u ekonomski, pravno i politički nestabilnoj BiH koja je međunarodno priznata i članica je UN-a.

Ako se naši problemi ne riješe i u najskorije vrijeme ne budemo dobili garancije za povrat našeg novca, Skupština Udruženja građana za povrat stare devizne štednje BiH i Dijaspore, donijeti će odluku da mirnim prisustvom svih 21.000 štediša blokira rad Institucija u BiH.

Jedan od prijedloga će biti da doputujemo u Brisel i svojim prisustvom i štrajkom glađu ukažemo na činjenice kako Europa štiti ljudska prava. Mi smo jedino Udruženje u Europi multinacionalnog spoja koje ukazuje da nas politika ne interesuje nego samo pravni poredak i jednakopravnost čovjeka a ne naciona.

Očekujemo Vašu podršku i pomoć. Ako i to ne donese rješenje vraćanja naše imovine (novac), organizovaćemo protestni miting ispred Savjeta Evrope na dan održavanja Parlamentarne Skupštine Savjeta Evrope i tamo ćemo štrajkovati glađu do konačne odluke, vraćanja privatne imovine deviznih štediša koja je neprikosnovena za sve građane Evrope i svijeta.

S poštovanjem,

Banja Luka,  
01.04.2011.

Za Upravni Odbor  
predsjednik



/ Svetozar Nišić /

U prilogu našeg dopisa prilažemo Vam sljedeća dokumenta:

- 1) Odluka sudije pojedinca ( P. Hirvelä ), broj predmeta 2374/11 od 01.marta 2011. godine;
- 2) Dnevni red 11. redovne sjednice proširenog Upravnog Odbora Udruženja održane 19.03.2011., broj 1596/11;
- 3) Zapisnik sa 11. redovne sjednice proširenog Upravnog Odbora Udruženja održane 19.03.2011., broj: 1597/11;
- 4) Zaključci sa 11. redovne sjednice proširenog Upravnog Odbora Udruženja održane 19.03.2011., broj: 1599/11.